




I Korinthiërs 2:12,13

Ons het ewenwel nie die gees van die wêreld ontvang nie, maar die Gees wat uit Elohim is, sodat ons kan weet wat Elohim ons uit genade geskenk het. Daarvan spreek ons ook, nie met woorde wat die menslike wysheid leer nie, maar met dié wat die Heilige Gees leer, sodat ons geestelike dinge met geestelike vergelyk.

Die  simbool in hierdie boekie dui op 'n “saak van die Gees”, deur Elohim gegee om aan ons begrip te verskaf.

**Hierdie boekie is ‘n versameling van artikels uit die
Take His Heart to the World webwerf.**

www.takehisheart.com

Inleiding:

Yeshua het gesê:

Mattheus 7:4 *Of hoe sal jy vir jou broeder sê: Laat my toe om die splinter uit jou oog uit te haal, en kyk, in jou eie oog is die balk! 5) Geveinsde, haal eers die balk uit jou oog uit, en dan sal jy goed sien om die splinter uit die oog van jou broeder uit te haal.*

Ek is 'n man wat al aan weerskante van bevryding was. Ek weet ek het baie dinge deurgemaak tydens hierdie verlossings omdat Yeshua wou hê ek moes leer. Dit is my gebed dat soos jy hierdie ervarings lees, jy 'n duideliker beeld sal kan sien van die vyand en sy aktiwiteite.

1 Korinthiërs 13:12 *Want nou sien ons deur 'n spieël in 'n raaisel, maar eendag van aangesig tot aangesig. Nou ken ek ten dele, maar eendag sal ek ten volle ken, net soos ek ten volle geken is.*


'n Tyd gelede het hierdie bediening 'n baie sterk woord van Yeshua ontvang, wat gesê het 🙌 dat ons helder deur die glas sal sien! Dit het my nogal opgewonde gemaak, omdat ek verstaan het dat die leierskap van die komende Bruid duidelik sou moes sien om in Bruidskap te kan wandel.

Die eerste artikel wat ek in hierdie afdeling geplaas het is oor my ervaring met Satan. Ek wil hê jy moet beseft dat hierdie ervaring baie jare gelede plaasgevind het en ek het nie **gesien (verstaan) wat werklik gebeur het nie**, tot na hierdie bediening die "Woord" ontvang het dat ons helder deur die glas sou sien. Hierdie "Woord" het tot vervulling gekom en Elohim het in verskeie areas bevestig dat dit het. Byvoorbeeld, my ervaring met die vyand van die mensdom (bevestig deur 'n "saak van die Gees").

Op Sondae het ek van die dinge gedeel waarvan jy sal lees in my getuienis rondom Satan. Op die Maandag na die derde Sondag van die maand het die Heilige Gees aan my openbaar dat die 🙌 **Glas gebreek was. Dié gebreekte glas was omtrent 5-6 duim dik!** Die toneel het te doen gehad met waar Satan toeslaan, dus het ek geweet dat Yeshua besig was om in my te vestig wat ek geleer en meegedeel het ten opsigte van Satan se metodes. Ek het beseft dat ons nie helderder deur 'n venster kan sien nie, as deur een sonder glas. Hopelik sal hierdie skrywe vir jou 'n helderder prent gee van die duiwel se aktiwiteite. (Die vyf duim dik glas openbaar hoe dof ons die prent gesien het.)

In hierdie afdeling sal ook 'n paar artikels geplaas word rondom verlossing van die gees van woede en die gees van vrees, saam met my ervaring met die gees van python, onder andere. Baie daarvan sal kom uit 'n boek wat ek in 1995 geskryf het met die titel "Evil Spirits . . . Yuck!"

Jy kan waarskynlik uit die titel van die boek aflei dat ek nie graag praat oor geeste, of Satan nie. Nietemin is die waarheid, die waarheid!

 Werk met jou gees en met Elohim en vind uit of dit wat ek sê, waar is! Dis wat Yeshua vir my gewys het om vir mense te sê. Laat die Heilige Gees vanuit die ervarings in hierdie afdeling vir jou 'n prent skep van Satan en sy weermag. **Daar is 'n stryd om jou verstand!**

Die Vyand Van die Mens en/of My Ervaring Met die Duiwel Self

Ek het sommige pastore/mense hoor sê die duivel is net 'n tandelose leeu wat brul en dat hy onnosel is. Hulle het waarskynlik hierdie idee ontwikkel danksy die duivel se miskonsepsie dat hy Elohim sou kon onttroon! Maar, vir die leiers van 'n kerk om hierdie dinge vir 'n oningeligte gehoor te sê, plant die verkeerde idee rondom Satan in hul gedagtes! Hierdie leiers word onbewustelik deur Satan gebruik! **Nie Yeshua, die dissipels, of die engele het ooit** sulke dinge van die duivel gesê nie. Die duivel is die **“Meester van Misleiding”** en 'n **formidabele vyand**.


Judas 1:9 Maar toe Migaël, die aartsengel, met die duivel in woordstryd was oor die liggaam van Moses, het hy geen oordeel van lastering durf uitspreek nie, maar het gesê: Yahweh bestraf jou!

Migaël, die **oorlogvoerende aartsengel**, het die duivel met respek behandel! As jy nie dink die duivel is 'n formidabele vyand en dat hy 'n formidabele probleem veroorsaak het nie, waarom moes Vader dan Sy eie Seun stuur om hom te verslaan en daardie probleem uit te sorteer? **Ons moet verstaan dat die duivel presies geweet het wat hy gedoen het** in die tuin met Eva en **dat hy presies geweet het wat hy probeer doen toe hy Yeshua versoek het**. Satan is Elohim se mees intelligente skepping. Hy weet en verstaan soveel van Elohim en Sy Woord, dat hy eintlik gedink het hy kon soos Elohim wees en Hom onttroon.

As jy dink dat ek die duivel te veel eer gee, of hom te veel verhoog, dink bietjie oor hierdie waarheid! As jy die duivel en sy krag verkleineer, verkleineer jy vir Yeshua en wat Hy gedoen het, sowel as die res van die Bybel. As jy glo dat die duivel net 'n groot brul is met geen byt en nie die meester van wat hy doen nie, **sê jy dat Yeshua nie veel gedoen het nie**, dat Hy nie veel oorwin het nie, **dat dit nie werklik saak gemaak het nie!** Ons Verlosser het 'n **formidabele vyand** oorwin! **Alles wat veragtelik en teen Elohim (en ons) is op enige wyse, het by die duivel ontstaan!** Word wakker Kerk, hy is jou vyand. Moenie maak asof hy nie bestaan nie!

Die doelwit van hierdie artikel is nie om die gelowige te leer wat sy outoriteit oor die kragte van duisternis is nie, maar om ons in te lig oor Satan se METODES VAN MISLEIDING. Yeshua verlang hier 'n duideliker prent van Satan se persoonlike vermoëns en aktiwiteite. Toe Yeshua openbaar het dat ek meer moes praat oor die duiwel, het Hy vir my twee sinne op dieselfde reël gewys! Die eerste sin het iets gesê rondom Yeshua en die volgende sin het iets gesê van Satan. Yeshua het doelbewus albei sinne op dieselfde reël gesit. Vanuit wat ek geleer het, weet ons dat daar nie genoeg in die kerke geleer word oor Satan nie. Satan is dol oor die gedagte: **“Moenie van die duiwel praat nie, julle verheerlik hom, julle trek die aandag van Yeshua af.”** Ek sê jou nou, as jy nie van die duiwel praat nie, HET jy die aandag van Yeshua afgetrek! **Hy is die rede waarom Yeshua moes kom!** Die waarheid oor die duiwel is in Yeshua! Satan is steeds hier en al wat Yeshua van hom weggeneem het was **“die sleutels van die dood en die hel”!** Yeshua het gesê Hy is die Waarheid, die Lig en die Weg en Hy het ons deur Sy voorbeeld kom wys hoe om te leef. Hy het vir ons, deur Sy voorbeeld gewys **hoe om die duiwel te oorwin!** **As jy deur Elohim geroep is vir 'n spesifieke doel, dan kan ek jou vertel jy sal nooit jou doel volkome vervul nie, tensy jy leer hoe om Satan te herken en met hom te deel.** Daar is baie bedienings wat op die oppervlak lyk of dit met hulle voor die wind gaan, maar die duiwel grinnik van oor tot oor. Glo my, sommige van hulle doen selfs geestelike oorlogvoering!

Gepraat van grinnik, ek het 'n man teëgekom wat gesê het dat hy die duiwel gesien het en vir hom gelag het. **Toe lag die duiwel terug!** Jy moet verstaan, dit is nie goed nie en wetende wat die man in sy bediening doen, verstaan ek hoekom die duiwel teruggelag het. Inderwaarheid behoort die man Elohim te nader oor waarom die duiwel vir hom lag!

Om voort te gaan, Yeshua het eenmaal vir 'n lid van hierdie bediening gesê:  **“Die onuitgesproke waarheid is 'n leuen.”** Dit het 'n ruk gevat voordat ek daardie spesifieke waarheid verstaan het en dit het my gedryf om voort te gaan met sommige skrywes wat ek waarskynlik andersins nooit sou gedoen het nie. Een van die waarhede waaroor ek nie baie gepraat het nie, is my ervaring met die duiwel self.

In die 70's was ek 'n jong man wat kerk toe gegaan het, baie soos die gemiddelde persoon kerk toe gaan. Ek het tot die besluit gekom dat die duiwel amper soos “Moeder Natuur” was, dat Yeshua hom oorwin het en dus was hy nie meer werklik 'n probleem nie. Maar ek het geleer: Jy sal nooit 'n oorlog wen as jy nie jou vyand ken nie! As jy 'n miskonsepsie het oor sy vermoëns, sal jy nie wen nie! Yeshua het Sy vyand en sy metodes geken!

My ervaring:

Ek het in ander artikels genoem van die sewe dae ervaring wat Vader my in 1980 gegee het. Op die agtste dag het ek tot my verbasing hierdie “**sogenaamde mag**” ervaar wat ek so argeloos gereken het soos Moeder Natuur was. Ek was besig om voer af te lewer, by ‘n voerplek soos ek gereeld gedoen het in daardie dae. Ek het iets boos aangevoel en het probeer uitmaak waar dit vandaan kom. Toe ek omdraai, het ek dit ‘voel’ beweeg van ‘n nabygeleë plantasie bome tot binne ongeveer tien tree van my af. Dit het voor my oë vorm aangeneem. Die duiwel (in sy geestelike vorm) het daar reg langs die heining gestaan en opkyk met ‘n gebalde vuus terwyl hy in die hemel ingespraat het! Hy het direk met Elohim gepraat, met al sy mag en alle denkbare gevloek! Sy woorde het opgegaan van die aarde af na die hemel! **Hy was woedend vir Elohim** en boosheid het in alle rigtings uit sy wese gestraal. Ek het baie siek en swak regdeur my liggaam geword net deur in sy teenwoordigheid te wees. Daardie woorde waarmee hy Elohim gevloek het was besig om my hele wese te deurtrek. Die woorde was so sterk in my gedagtes dat ek gedink het dit was besig om my gedagtes te word. Ek het aanhoudend in my gedagtes gesê, “Vader, hierdie is nie my gedagtes nie, ek het nog nooit sulke woorde gesê nie!” Ek het aanhou vasbyt. Ek het in ‘n half gehurkte posisie gegaan vir beskerming. Ek het nie gedink ek gaan leef nie! Ek het gedink ek was besig om van my kop af te raak! My bors het op ‘n knop getrek en ek kon skaars asemhaal.

Sedert ek met die Heilige Gees gedoop is, is daar vir my gesê dat die vyand nie daarvan hou om in die omgewing van gebed in die Gees te wees nie. Ek het dit probeer, maar dit was ‘n grap (ek verkleineer nie hiermee ‘n gawe van die Gees deur dit te sê nie). Ek het alles gedoen waaraan ek kon dink wat ek deur ander Christene geleer is, insluitend die gebruik van die naam van Yeshua, alles sonder enige effek!

Wat het toe gebeur? Om eerlik te wees, ek weet nie. Ek weet net ek wou daar wegkom! Ek het daarin geslaag om in my bakkie te klim en eindelijk tuis aan te kom. Ek was geskud soos ek nog nooit geskud was nie, met ‘n hoofpyn, ‘n seer lyf en verward oor wat gebeur het. Ek was so swak dat my liggaam gebewe het as ek beweeg het. Ek het nie geweet wat om te dink nie! Maar daar was een ding wat ek net daar verstaan het: Die duiwel is baie kragtig (veral met gedagtes), hy is ‘n persoon met ‘n persoonlikheid en verstand en hy is die oorspronklike bron van alle boosheid, net soos die Bybel openbaar. My hart roep uit wanneer ek dink aan mense in die hel, nie oor die vuur nie, maar omdat ek weet dat daardie gruwelike bese mag hulle verteer het en daar is geen manier hoe hulle daarvan kan ontsnap nie. Daardie boosheid wat deur Satan uitgestraal word is walglikheid van die ergste graad. Daar is geen manier om dit in woorde te beskryf nie. Jy wil nie hel toe gaan nie oor die ontsettende boosheid wat daar heers, wat nog te sê die vuur.

Na jare van Yeshua se opleiding het ek baie meer begin besef wat daardie dag gebeur het en waarom ek hierdie spesifieke ervaring gehad het. Ek het vantevore geglo dit was omdat hy meer verstaan het as wat ek het oor wat Elohim die vorige week met my gedoen het! Elohim het 'n paar fundamentele waarhede in my gevestig. Hy het van Homself gepraat deur die Heilige Gees en het eindtydgebeure openbaar, ens. Het ek dit alles verstaan? NEE, maar Satan het! Hy ken die Woord, hy ken dit beter as wat ons doen en hy kom altyd (volgens die gelykenis van die saaiër) wanneer Elohim iets met ons doen! Vir jare was dit my enigste idee van waarom hy Elohim gevloek het, **maar Yeshua het my 'n dieper begrip gegee!**

Waarom het hy Elohim gevloek?

As ons weer kyk na wat gebeur het, is dit duidelik dat die duiwel nie teenoor my uitgevaar het nie. **Sy oë en woede was nie op my gerig nie, maar op Elohim.** Hy was ontsteld omdat Elohim hom (die duiwel) aan my ontbloom het. Hy was tot dusver agter die skerms en het geweet dat Vader my van hom begin leer het!

Jy sien, Satan was die hele vorige week teenwoordig en het alles teëgegaan (net soos hy met Eva gedoen het) wat Elohim besig was om aan my te sê en te openbaar. Die vyand het die waarskynlikste gedagtes gebruik wat hy geweet het ek sou aanvaar. Hy het my gedagtes gegee van: *"Jy raak van jou kop af (leuens, misleiding). Elohim doen dit nie meer nie, dis van die duiwel. (Misleiding, leuens) Wie dink jy is jy om te dink Elohim sal met jou praat? (Hoogmoed) Hierdie dinge is van die duiwel, want verwarring is van die duiwel. Jy beter iemand kry wat iets weet van al hierdie dinge!"* ens. (Alles godsdienstige stellings.) Ek kan aanhou en aanhou met voorbeelde.

In elkgeval, ek was onbewus dat hierdie gedagtes direk van die vyand van die mensdom gekom het. Ek was onbewus dat Satan op die toneel was! Ek was onbewus dat ons in 'n geveg is vir ons eie verstand. **Satan het Elohim gevloek omdat hy ontbloom was!** Hy het binne tien treë van my af gekom en dit was waar hy sy "ding" gedoen het. Elohim het vir my die boosheid getoon wat uit die bos gekom het. Satan was onbewus dat Elohim my daardie boosheid laat voel het. **Hy het gedink hy word nie opgemerk nie, net soos hy heel week onopgemerk was.** Maar toe hy in die gees gematerialiseer is, het hy geweet dat Elohim sy teenwoordigheid aan my onthul het en hy het in woede uitgebars. Hy was **BRIESEND** omdat hy ontbloom is. Hy het nie homself manifesteer sodat ek hom kon sien nie. Hy is die meester misleier en hy doen dit nooit, tensy dit tot sy eie voordeel is. Hy wil gewoonlik nooit op enige wyse ontbloom word nie, behalwe aan hulle wat hom aanbid. Ek het begin siek word van sy tierende teenwoordigheid, nie sy teenwoordigheid as sulks nie. **Hy was buite beheer van sy eie emosies wat, terloops, 'n teken van sy geestelike invloed by mense is, Christen of nie-Christen.**

‘n Paar dae na hierdie ervaring het Elohim vir my gesê, “*Ek het aan jou alle dinge getoon.*”

Ek het uit hierdie ervaring geleer dat Satan gedagtes gee, maar ek het geen benul gehad van dit wat daardie feit omring nie. Toe Elohim dus weer met my gedeel het oor gedagtes, het Hy gesê: “*Nie al die gedagtes in jou verstand is joune nie!*” Dit het my werklik ontstel. Ek het inderwaarheid rebelleer en iets gesê soos: “Onmoontlik. Al die gedagtes in my brein is myne.” Natuurlik was ek verkeerd.

Satan se grootste misleiding:

Ek het sommige mense hoor sê dat hulle in Yeshua glo, maar hulle glo nie in die duiwel nie. Dit is ‘n groot fout, want Yeshua het gekom om die werke van die duiwel te vernietig. Hierdie mense insinueer dat Yeshua nie is wie Hy werklik is nie en dat Hy dus nie gedoen het wat Hy gesê het Hy hier kom doen het nie. **Hulle is onwetend onder die duiwel se grootste misleiding, die idee dat hy nie bestaan nie.** Sommige Christene sê as jy nie met die duiwel mors nie, sal hy nie met jou mors nie. Hulle verstaan nie die waarhede wat in die boek van Job saamgevat is nie, dat Satan op aarde rondbeweeg op soek na wie hy kan verslind. Hy is nie ‘n vriendelike outjie wat sê: “As jy my nie pla nie, sal ek jou nie pla nie!”

Satan se tweede grootste misleiding:

Sommige mense dink nie almal kan werklik Satan teëkom nie, omdat hy nie alomteenwoordig is soos die Heilige Gees nie. Kom ek gee ‘n bietjie meer insig oor die ware situasie met Satan. **Ek sal begin deur te sê dat daar bitter min tyd en afstand in die geesteryk is!** Jy mag dit dalk weet, maar verstaan jy dit?


2 Petrus 3:8 Maar laat hierdie een ding julle nie ontgaan nie, (moenie onkundig wees nie) geliefdes, dat een dag by die Here soos duisend jaar is en duisend jaar soos een dag.

Hier sê Petrus: “Christene, moenie onkundig hiervan wees nie.” Dit waarvan hy praat moet belangrik wees vir hom om daardie woorde te gebruik! Dit is baie belangrik om alles moontlik te verstaan van die geesteryk, want Satan is die misleider van die verstand en jou verstand is onderworpe aan die geesteryk.

Om eerlik te wees met jou, toe ek die ervaring gehad het om hemel toe te gaan, het ek dit eenkant of terug in my gedagtes geskuif; die vyand was besig om my te vertel dat dit nie werklik gebeur het nie. Hy het logiese stellings gebruik wat vir my logiese verstand en vlees sin gemaak het.

My vleeslike denke het my weerhou daarvan om te aanvaar dat hierdie gebeurtenis werklik plaasgevind het as gevolg van **my gebrek aan begrip van die geesteryk**. As ons kyk na Yeshua se verduideliking van die gelykenis van die saaiër in Mattheus, **sien ons dat die vyand wen en “dinge” onvrugbaar maak** wanneer ons die woord van die Koninkryk nie verstaan nie.

Mattheus 13:19 *As iemand die woord van die koninkryk hoor en **nie verstaan nie**, kom die Bose en roef wat in sy hart gesaai is—dit is hy by wie langs die pad gesaai is. 23) En by wie op die goeie grond gesaai is—dit is hy wat die woord hoor **en verstaan**, wat dan ook vrug dra en oplewer: die een honderd, die ander sestig—, die ander dertigvoudig.*

Die feit dat ek hemel toe geneem is het nie vrugte afgewerp (soos dit moes nie), as gevolg van my gebrek aan begrip. Dus moes Yeshua direk met my daaroor praat. Hy het baie duidelik gesê  “**Ek wil hê jy moet vir hulle sê jy was hemel toe.**” Ek het steeds weerstand gebied, dus het Yeshua my herinner wat aan die einde van daardie ervaring gebeur het. Hy het toe vir my gesê gehad: **“Gaan terug en vertel hulle.”** Ek kon nie ontken dat Hy dit gesê het nie, dus het ek begin praat oor my besoek aan die hemel. Ek het dit uit gehoorsaamheid gedoen; **nie vanuit my begrip nie!**

Nou mag jy dalk wonder hoekom ek al hierdie dinge in my gedagtes deurgegaan het. Jy sien, ek het die ervaring gehad terwyl ek ‘n voertuig bestuur het. Ek het reeds oop visioene, geslote visioene, naggestigte en drome beleef. Ek het die duiwel ervaar en later het ek selfs ‘n oop gesig gehad van die krag van die wil van die mens terwyl ek bestuur het. Ek het gedink ek het ‘n visioen ervaar toe ek na die hemel geneem is, dus was dit vir my moeilik om te aanvaar **dat ek werklik daar was**. Die vyand het ‘n oop deur na my verstand gehad as gevolg van my gebrek aan begrip (soos die gelykenis van die saaiër openbaar). Hy het die ervaring basies vir myself en ander vrugteloos gemaak deur gedagtes te gebruik wat ek die heel waarskynlikste sou aanvaar, maar wat negatief was teenoor die ervaring self.

Yeshua het sedertdien vir my die begrip gegee van hoe dit gebeur het! Wanneer ons die volle begrip van dinge het, plaas dit ons op soliede grond sodat die vyand geen openinge het nie. **Ek praat nou vryelik daarvan**, omdat ek verstaan hoe dit gebeur het. Elohim wil hê jy moet ‘geestelike dinge’ verstaan, sodat die vyand jou nie heen en weer kan slinger soos hy met my gemaak het nie. Nou hoe kon dit gebeur het terwyl ek ‘n voertuig bestuur?

II Petrus 3:8

Maar laat hierdie een ding julle nie ontgaan nie, geliefdes, dat een dag by die Here soos duisend jaar is en duisend jaar soos een dag.

Voorstelling van 'n prent:

Deur die vergelyking: 24 uur in die hemel = 1000 jaar op aarde, sien ons dat my drie dae ervaring in die hemel **.7 van een sekonde** van ons tyd geduur het. Dus kan ons sien dat ek slegs **.7 van een sekonde** weg was terwyl ek my voertuig bestuur het! Ons moet begryp dat ek ook regoor die heelal na die hemel en terug gereis het in hierdie **.7 van een sekonde**.

Ek het toe ook verstaan wat gebeur het met 'n vriend van my terwyl hy by 'n vleis verpakkingsmaatskappy gewerk het. Hy het gewerk met 'n vlymskerp mes op 'n vleissny-baan. Spoed met die mes is hoe jy bygehou het! Hy was na die hemel geneem om voor die troon van Elohim te staan. Daar het Elohim 'n vraag geantwoord wat hierdie man oor 'n situasie gehad het. Dit was altyd vir ons interessant hoe hy nie seergekry het met sy gebruik van die mes nie, wetende dat hy na die hemel geneem is. Ek glo nie hy was daar vir 'n uur nie, maar al was hy, was hy slegs weg van hier af vir **.009722 van 'n sekonde!** Dit verklaar waarom niks met hom gebeur het terwyl hy weg was ten spyte daarvan dat hy met die mes gewerk het nie. Ek het hierdie vir jou gewys sodat jy kan verstaan dat daar bitter min tyd en afstand in die geesteryk is. Hierdie man en ek het 'n groot afstand oor die heelal afgelê tot waar die Bybel sê die Hemel is, ons ervarings gehad en teruggekeer in minder as 'n sekonde van ons tyd! Dit skets 'n prent van hoe dit moontlik is vir Yeshua om te sê dat so baie kan gebeur "in 'n oogwink". Dit bring na vore die realiteit van wat Hy gesê het oor Satan wat 'dadelik kom' in Sy verduideliking van die gelykenis van die saaiër in die boek van Markus.

*Markus 4:15 **En dit is hulle wat langs die pad is—waar die woord gesaai word, maar sodra hulle dit gehoor het, kom Satan dadelik, en neem die woord weg wat in hulle harte gesaai is.***

As ons Elohim se Woord op **enige wyse** hoor, sê Yeshua dat Satan dadelik kom. Yeshua het hier 'n verklaring gemaak. Elohim het hier 'n verklaring gemaak! **Yeshua sê Satan kom dadelik. Hy kom altyd!** **HIERDIE IS 'N WAARHEID** wat geld vir enigiemand wat enige Woord van Elohim af hoor! **Dis moontlik vir Satan om elke mens op hierdie aarde te besoek, ter vervulling van wat Yeshua hier gesê het, omdat tyd en afstand feitlik nie bestaan in die geestesrealm nie.** Met die populasie van die wêreld aan die einde van 1998 in gedagte, kan Satan **1.343 minute** met elke persoon op aarde spandeer, elke 24 uur. En presies hoeveel kan Satan doen in 'n minuut, incognito? Dink hieroor? En ignoreer hulle wat hy weet hy nie gereeld hoef te besoek nie, dan kyk jy na die tyd wat dit sal toelaat vir die paar wat 'n bedreiging vir sy saak kan wees! Weet dit, Satan is nie onnosel nie. Hy weet watter mense is deur Elohim vir 'n spesifieke doel gekies. Hy spandeer baie tyd op hulle en hul gedagtes, sonder dat hulle bewus is daarvan.

Yeshua het openbaar dat die vyand inkom **terwyl mense slaap**. Hy het dit gesê direk na wat Hy gesê het oor die gelykenis van die saaiër.

Mattheus 13:25

*maar **terwyl die mense slaap, het sy vyand gekom en onkruid onder die koring gesaai en weggegaan.***

Die koring is die saad van die Woord en die vyand plant onkruid saad reg langs die goeie saad, **‘onmiddellik’ en beweeg aan na die volgende slagoffer!** **Hy kom ‘ongesiens’ in.** Hy het dit met Eva gedoen! Hy het dit met Judas gedoen!

Johannes 13:26 Yeshua antwoord: ***Dit is die een aan wie Ek die stukkie sal gee as Ek dit ingedoop het.*** En toe Hy die stukkie ingedoop het, gee Hy dit aan Judas Iskariot, die seun van Simon. 27 En nadat hy die stukkie geneem het, ***het Satan in hom ingevaar.*** En Yeshua sê vir hom: ***Wat jy doen, doen dit haastig.***

Satan het dit met Petrus gedoen!

Mattheus 16:21 Van toe af het Yeshua begin om sy dissipels te toon dat Hy na Jerusalem moes gaan en veel van die ouderlinge en owerpriesters en skrifgeleerdes moes ly, en gedood en op die derde dag opgewek word. 22 ***Toe neem Petrus Hom opsy en begin Hom bestraf en sê: Mag Elohim dit verhoed, Here, dit sal U nooit oorkom nie!*** 23 ***Maar Hy het omgedraai en vir Petrus gesê: Gaan weg agter My, Satan! Jy is vir My ‘n struikelblok, omdat jy nie die dinge van Elohim bedink nie, maar die dinge van die mense.***

Die vyand van die mensdom het dit herhaaldelik met my gedoen en hy het dit met jou ook gedoen!

Satan bedrieg ons in ons gedagtes!

Die Bybel sê Eva was ‘beguiled’ in haar gedagtes. As ons kyk na sinonieme vir ‘beguile’, sien ons ‘n breër prent van wat Satan met ons verstand kan doen deur ons die regte gedagtes te gee op die regte tydstip, onder die regte omstandighede.

deceive – Satan gee graag interpretasies – Hy het met Eva!

delude – Om af te water wat Elohim bedoel het = Ag, dit sal reg wees – Hy het nie werklik dit bedoel nie, Hy het dat bedoel.

hoax – Wat Satan aan Eva voorgestel het was bedrog, sonder dat sy dit beseft het.

trick – Hy kon Eva bedrieg omdat sy nie werklik verstaan het wat Elohim bedoel het nie en dat Satan dan sou kom nie! (Gelykenis van die saaiër.)

captivate – Hy het haar gedagtes gevange geneem, deur eers haar aandag te kry.

charm

distract

divert – Hy het haar gedagtes afgelei!

allure – Hy het haar verlei met die aanloklikheid van die vrug.

attract – Hy het haar aandag getrek.

entice – Hy het Yeshua probeer verlok deur Hom die koninkryke van die wêreld aan te bied! Hy het Eva verlok met die belofte van kennis!

seduce – Hy het Eva se verstand verlei toe sy ingeggee het aan wat hy gesê het.

tempt – Hy het Eva suksesvol verlei, maar nie Yeshua nie, omdat Yeshua Elohim se gedagtes agter Sy Woord geken het. Yeshua het ook geweet dat Satan 'n werklikheid is. Eva was onbewus van die vyand.

bait – Satan het Eva se verstand verlok!

tantalize

fascinate – Ek is seker dat Eva gefassineerd was met die gedagte om soos Elohim te wees!

bewitch - hypnotize - mesmerize - spell bind - immerse - curs - enchant - possess - captivate – occupy

Kan Satan die verstand van Christene sonder hulle medewete **betower of in besit neem**? Die antwoord daarop is 'n weerklinkende “JA!”, deur net te kyk na wat Yeshua vir Petrus gesê het, **“Gaan weg agter My, Satan!”**

Yeshua het geweet waar Petrus se gedagtes hul oorsprong gehad het. Yeshua het pas **‘die plan van Elohim’ aan Petrus** openbaar (Petrus het **‘die Woord gehoor’**, soos in die gelykenis van die saaiër) maar as gevolg van die gebrek aan begrip, die sorg van die wêreld en die **tipe liefde** wat ons as mense verstaan, het Satan Petrus gebruik en **Yeshua se doel aangeval**. **Satan en alle bose geeste kom teen wat Elohim doen, as ‘n hoof prioriteit**. Enigiets anders waarteen hulle kom is sekondêr!

Satan gebruik wat hy reeds in jou het om teen die waarheid te staan, of wat Elohim jou voor wil gebruik – jou ware doel. (Jy sal hierdie prent duideliker sien soos wat jy verdere artikels lees rondom geeste.) Satan kon nie Yeshua gebruik of beheer van Hom neem nie, want hy het niks aan Yeshua gehad nie!

Johannes 14:30 *Ek sal nie veel meer met julle spreek nie; want die owerste van hierdie wêreld kom en het aan My niks nie.*

Satan het gebruik wat hy reeds in Judas gehad het. Hier is waar Satan die gedagte in Judas geplant het om Yeshua te verrai.

Johannes 13:1 En voor die fees van die pasga het Yeshua, omdat Hy wis dat sy uur gekom het dat Hy uit hierdie wêreld sou oorgaan na die Vader, en omdat Hy sy eie mense in die wêreld liefgehad het, hulle liefgehad tot die einde toe.

2 En gedurende die maaltyd – die duiwel het dit al in die hart van Judas Iskariot, die seun van Simon, ingegee om Hom te verrai;

Satan se opening na Judas se verstand was die feit dat Judas reeds 'n dief was. Rykdom (begeerte na geld) is 'n sorg van hierdie wêreld! Judas het nie die gedagte gehad om Yeshua te verrai net om Hom te verrai nie! Hy het die gedagte gehad om Yeshua te verrai deur wat reeds in hom was; hy wou geld, mag en aansien hê (begeertes wat reeds in hom was)! Wellus was die opening na daardie spesifieke verraderlike gedagtes. Judas het heeltid van die beurs gesteel, maar nou het die duiwel 'n nuwe idee (saad) in sy kop/hart geplant. Omdat Judas die gedagte aanvaar het, kon Satan inkom en inderwaarheid sy gedagtes betower (hypnotize - mesmerize - spell bind - immerse - curse - enchant - possess – captivate - occupy)!

Johannes 13:26 Yeshua antwoord: *Dit is die een aan wie Ek die stukkie sal gee as Ek dit ingedoop het.* En toe Hy die stukkie ingedoop het, gee Hy dit aan Judas Iskariot, die seun van Simon. 27 En nadat hy die stukkie geneem het, *het Satan in hom ingevaar.* En Yeshua sê vir hom: *Wat jy doen, doen dit haastig.*

Op daardie stadium het Satan in beheer gekom, ter vervulling van hierdie skrifgedeelte:

Spreeke 5:22,23 Sy eie ongeregthede vang hom, die goddelose, *en in die vangstrikke van sy sonde word hy vasgehou. Hy sal sterf deur gebrek aan tug, en deur die grootheid van sy dwaasheid sal hy dwaal.*

Judas se eie ongeregthede (wetteloosheid, sondes) reeds uitgevoer (reeds in hom), het die vyand toegelaat om wettig in te kom, *beheer te neem en hom gevange te hou!* Wanneer Elohim van Satan praat, sê Hy:

Jesaja 14:17 Die wêreld soos 'n woestyn gemaak en sy stede verwoes het, *wat sy gevangenes nie losgelaat het huis toe nie?*

Satan het beheer van Judas se gedagtes/dade gehad met betrekking tot diefstal en hy kon hom dit oor en oor laat doen! Dis soos om 'n gees van woede te hê. Dit kom na vore wanneer dit wil en die persoon het geen beheer daaroor nie. Hier is wat gebeur het na Satan aanbeweeg het en Judas beheer verkry het van sy gedagtes!

Mattheus 27:3-5 Daarna het Judas, sy verrai, toe hy sien dat Hy veroordeel was, berou gekry en die dertig silwerstukke teruggebring na die owerpriesters en die ouderlinge en gesê: *Ek het gesondig deur onskuldige bloed te verrai. Maar hulle sê: Wat gaan dit ons aan? Jy kan toesien! En hy het die silwerstukke in die tempel neergegooi en weggeloop en homself gaan ophang.*

Judas het heeltyd geweet dat Yeshua onskuldig was. Hy het dit nie uitgevind deur Sy veroordeling te sien nie. **Hy het bloot beheer oor sy eie gedagtes verloor, sy redenasievermoë!**

Was jy al ooit kwaad of emosioneel en het iets gedoen en dan later na dit verby is gewonder hoekom jy dit gedoen het? **Jy het gewens jy het nie!** Jy was nie werklik in beheer van jou eie gedagtes nie, was jy?

Daar is nog een geval wat ek moet beklemtoon op hierdie stadium. Dit is die verslag van Yeshua se versoeking. Toe Yeshua direk met die duivel gedeel het, het Hy die wet gebruik en gesê, **“Daar staan geskrywe!”** Wat Hy werklik gedoen het was om die waarheid te spreek deur al sy versoekings. **Yeshua het gesê die waarheid sal ons vrymaak. Hier sien ons hoe die waarheid Yeshua vry hou!**

Mattheus 4:3,4 *En die versoeker het na Hom gekom en gesê: As U die Seun van Elohim is, sê dat hierdie klippe brode word. Maar Hy antwoord en sê: Daar is geskrywe: Die mens sal nie van brood alleen lewe nie, maar van elke woord wat deur die mond van Elohim uitgaan.*

Satan het sopas vir Yeshua versoek met 'n sorg van hierdie wêreld – die vlees!

Mattheus 4:5-7 *Toe neem die duivel Hom saam na die heilige stad en laat Hom op die dak van die tempel staan 6) en sê vir Hom: As U die Seun van Elohim is, werp Uself af; want daar is geskrywe: Hy sal sy engele bevel gee aangaande U, en hulle sal U op die hande dra, sodat U nie miskien u voet teen 'n klip stamp nie. 7) Yeshua sê vir hom: Daar is óók geskrywe: Jy mag die Here jou Elohim nie versoek nie.*

Satan het so pas vir Yeshua aangemoedig om Elohim te versoek (te toets)!

Natuurlik het Yeshua van beter geweet. Tydens my ervaring het ek nie! Die dag wat ek die eerste visioene ooit gehad het, daardie van Rusland, die Midde Ooste, die Glorie van Yeshua ens., was Satan daar (sonder dat ek daarvan bewus was) en het gedagtes in my verstand ingepomp. Hy wou die krediet ontvang en my van die spoor afbring deur vir my te sê dit was alles van die duivel! Ek het na die suidelike kant van die heuwel geloop en onder my was 'n olieput, waarvan ek die pomper was. Dit het nie geloop nie en ek het 'n gedagte gehad wat ek nie besef het, nie my eie was nie. Ek het gesê, “Elohim, as hierdie van U af is en nie van Satan nie, skakel daardie olieput aan!” As ek geweet het dat die vyand met my verstand gepraat en as ek die waarheid van Elohim se Woord geken het, sou ek met Satan gepraat het en gesê het: “Daar staan geskrywe, ek mag Elohim nie versoek nie.” Is ek verkeerd? Wel hier is Elohim se hoorbare antwoord aan my, **“Versoek YHWH jou Elohim nie in dwaasheid nie!”**

Matthew 4:8-11 *Weer neem die duiwel Hom saam na 'n baie hoë berg en wys Hom al die koninkryke van die wêreld en hulle heerlijkheid, en sê vir Hom: Al hierdie dinge sal ek aan U gee as U neerval en my aanbid. Toe sê Yeshua vir hom: Gaan weg, Satan! want daar is geskrywe: Die Here jou Elohim moet jy aanbid en Hom alleen dien. Daarna het die duiwel Hom laat staan, en daar het engele gekom en Hom gedien.*

Satan het Yeshua sopas versoek met alles wat hy kon! Jy sal opmerk dat Yeshua die Woord korrek gebruik het en dit nie verdraai het om dit iets te laat beteken vir persoonlike gewin nie. **Hy het geweet wat Elohim bedoel** het toe Hy dit gesê het en dit is waarom dit so belangrik is om te leer wat Elohim in Sy Woord bedoel. As ons nie verstaan wat Elohim bedoel nie, is ons oop teikens vir die duiwel se misleidings! **Dis 'n blote feit!**

Ek sal in ander artikels onder hierdie afdeling baie meer skryf rondom gedagtes en geeste en hul vermoë om ons denke te beheer. Maar ter afsluiting van hierdie artikel, laat ek vir jou dit sê: enige tyd wat Elohim iets doen, kom die vyand altyd om interpretasies te verskaf, om te besoedel, om af te water, om by te voeg, om te steel, of om te verwoes wat Elohim gedoen of gesê het. Dit is wat hy in die tuin gedoen het met Eva en dit is wat hy met ONS doen!

Hoe Maklik Gebruik die Vyand die Gedagtes van Mense Teen Elohim se Doel?

Hoe kan die vyand gedagtes teen jou gebruik, nadat **Elohim iets vir jou gesê het en jy besluit het om dit te doen?** Sedert die volgende gebeurtenis plaasgevind het, het ek die vyand herhaaldelik sien werk in situasies waar Elohim iemand beveel het om iets te doen. Dan verander omstandighede om daardie persoon te verhoed om gehoorsaam te wees. Ek sal hierdie ervaring die praatwerk laat doen:

Dit was aan 'n vriend en my vrou openbaar dat ons na Tulsa, Oklahoma moes gaan. Aangesien Yeshua nie die doel aangedui het nie, was ek gladnie lus om te gaan nie. Ek was op daardie stadium baie vleesgesind. Tyd het verloop en eindelik het my vrou en vriend my oorreed om te gaan. Ons het planne gemaak en ek het gereël om weg van die werk af te wees. Toe openbaar Yeshua in die nag aan my **dat die vyand sou probeer om my te verhoed om te gaan**. Hy het ook openbaar dat dit by my werksplek sou gebeur.

Soos ek daardie week voor ons vertrek se gebeure onthou, het ek geen idee gehad hoe die vyand sou probeer om my te stop nie. Ek was, soos jy kan verstaan, meer op my hoede en het selfs gewonder of iets op my sou val. Ek het nie geweet wat om te verwag nie. Ek het 'n voormeule hanteer by 'n graansilo en daar was baie dinge wat kon gebeur by een van daardie plekke.

Ek moes deel met baie mense en 'n verskeidenheid van situasies.

Die week het normaal begin, maar omtrent halfpad daardeur het ons 'n buitengewoon groot, eintlik oorweldigende hoeveelheid bestellings gekry. Dit het kommer by die bestuurder gewek, aangesien ek beplan het om weg te gaan. As hy nie geweet het dat Yeshua ons beveel het om te gaan nie, sou hy vir my gesê het ek kan nie gaan nie. Ek het in sy kantoor opgeëindig om daaroor te praat, want dit was duidelik dat ons oorlaai was. Dit gee jou 'n idee van die situasie. Boonop dit alles, ongeveer 'n dag voor ons sou vertrek, het die persoon wat my moes vervang, kom sê dat ek nie kon gaan nie, want **ons was te besig en hy sou dit nie kon hanteer nie**. My kakebeen moes amper op die vloer geval het. Ek kon nie my ore glo nie. Jy sien, hierdie jong man was 'n werkholis. Hy het van die werk af huis toe gegaan en dan geboer tot twee, drie-uur die oggend, dag na dag. Hy was dol oor enige werk wat 'n uitdaging was. (Om sy vermoëns te illustreer, kort na hierdie insident en op 'n baie jong ouderdom, het hy bestuurder geword by 'n tak van die silo en voermeule.) Gewoonlik sou hy vir jou sê hy kan enigiets hanteer en was die soort wat enigiets sou aanvat! Hierdie was totaal **buite karakter** vir hom!

Ek het hom herinner aan die tyd toe hy na Wyoming sou gaan en bekommerd was daaroor om weg te wees en sodoende meer verantwoordelikheid op my te los. Ek het vir hom gesê om nie bekommerd te wees oor die plek nie, omdat ek sou seker maak alles word gedoen, "ek kon dit hanteer." Soos ek hom hieraan herinner het, het hy skielik 'n snaakse kyk op sy gesig gekry en vir my gesê om voort te gaan, "hy kon dit hanteer". Toe draai hy om en loop. Ek het daar agtergebly en gedink, **"Dit was regtig eienaardig, wat op aarde gaan aan!"** Die bestellings het aanhou inkom, dus het ek besluit om na ure te bly en 'n bietjie harder te werk, terwyl ek steeds gewonder het hoe die vyand my sou probeer stop.

Toe kom dit uit! Ek sal dit nooit vergeet nie. Terwyl ek met 'n boer gepraat het terwyl ek sy bakkie gelaai het, het hy vir my gesê: "Ek het nie hierdie voer nodig nie." Ek het gesê: "Wat bedoel jy, jy het nie hierdie voer nodig nie?" Hy het vir my beduie dat hy genoeg voer gehad het om tot diep in die volgende maand in te hou. Hy het net besluit (die gedagte gehad) om nou nog ekstra voer te kry, omdat hy nie seker was wat volgende maand sou gebeur nie. Dit was toe dat ek besef het dat die vyand of geeste besig was om gedagtes in mense se koppe te sit, wat veroorsaak het dat ek en die meule oorlaai was.

Gedagtig aan waar die Bybel sê dat Eva in haar gedagtes verlei was, het ek die "buite karakter" optrede en die snaakse kyk van die jong man verstaan wat my sou vervang terwyl ek elders was vir Yeshua. Ek het net die volgende kliënt gevra of sy haar voer bietjie vroeg gekry het? Sy het gesê, "Ja." Ek het nie die saak verder met haar opgeneem nie. Daar was geen rede om dit te doen nie.

Met hierdie voermeule insident het Elohim vir my gewys hoe eenvoudig, tydens alledaagse lewe, 'n gees en/of die vyand **eenvoudige gedagtes** in mense kan plant **om teen Elohim se plan te staan**.

Die Diep Saad van Woede

Ek, Roy Sauzek, helder van verstand, getuig van die geestelike magte waarvan ek verlos is. Ek gebruik die term **“helder van verstand”**, omdat elke keer as Yeshua my van 'n geestelike mag verlos het, het dit gewoonlik 'n **ophelderende effek op my gedagtes** gehad. Ironies, as jy my vooraf sou vra of ek 'n helder verstand het, sou ek gesê het: **“Ek het nog altyd 'n helder verstand gehad.”** Maar, die ophelderende effek waarna ek hier verwys, sluit in **vryheid van denke** en die vryheid **om korrek te sien en hoor**. Daar is een duidelike feit wat Yeshua vir my gewys het wanneer ek van sekere geeste bevry was. Dit is die feit dat geeste ons vermoë om helder te dink, aantas en hulle kan ons in werklikheid verhoed om die waarheid te sien! Yeshua het gesê:

Matteus 7:4,5 *Of hoe sal jy vir jou broeder sê: Laat my toe om die splinter uit jou oog uit te haal, en kyk, in jou eie oog is die balk! Geveinsde, haal eers die balk uit jou oog uit, en dan sal jy goed sien om die splinter uit die oog van jou broeder uit te haal.*

'n Gees kan 'n persoon op drie wyses affekteer: van binne, van buite en deur ander mense. **Ongeag die bron, is die doel daarvan om jou, jou gedagtes en jou vermoëns om Elohim te gehoorsaam, negatief te affekteer en so jou funksionering in die lewe. Alle bese geeste kom teen Elohim, Sy plan en Sy weë. Hulle is teen jou, Elohim is vir jou! Elohim is vir die funksionering van jou verstand, die vyand wil dit beheer!**

Wanneer dit kom by geestelike invloede in ons lewens, is woede een wat ons dadelik kan identifiseer, so ek het daarmee begin. Die Bybel sê om nie die son te laat ondergaan oor jou toorn (woede) nie. Net omdat jy kwaad geword het, beteken nie dat jy 'n gees van woede gekry het nie. Maar, hoeveel dae het jy die son laat ondergaan oor jou woede? Dit is die belangrike vraag.

Woede was die eerste gees waarvan Yeshua my verlos het. **Woede kan in 'n persoon opstaan van binne, of op 'n persoon toeslaan van buite.** Ek het pastore hoor sê dat jy met dinge moet deal wat in jou opstaan. In een opsig is dit waar, dus moet ons bewus wees daarvan dat ons die probleem moet beheer totdat ons daarvan bevry is. Dit is egter soms nie moontlik nie, as gevolg van die geweldige greep wat die gees op ons lewens gekry het.

'n Persoon het vir my vertel hoe hulle raad gekry het om die stuurwiel vas te gryp en te tel tot 'n honderd, of tot die woede verbygegaan het. Dit was hulle manier om die woede te beheer.

Maar begryp: hulle was net besig om hul vlees te beheer, nie die woede nie! Deur hulle optrede het hulle **bloot nie die woede laat manifesteer buite hul eie vlees nie.** Ek het vir hierdie persoon verduidelik dat die woede nie werklik van hom was nie. Ek het verduidelik dat **as dit van hom was, sou hy dit kon beheer.** Hoewel hy aan die stuurwiel vasgehou het, het die werklike woede steeds bestaan; dit was steeds daar **in sy vlees.**

Geeste staan op uit hulle eie wil. **Ek weet dit uit ervaring.** Voor ek van die gees van vrees verlos was, het dit presies dit gedoen. Ek sou voor mense staan, gereed om te sê wat Elohim openbaar het, dan het vrees opgestaan en my verhoed om die boodskap te lewer. Selfs as ek daardeur geveg het, was die boodskap onduidelik, of swak aangebied. **Sodra dit besluit het om op te staan, kon ek die vrees op geen manier beheer nie.**

Woede (of enige ander gees) kan uit eie wil opstaan, in enige situasie, op die eienaardigste tye. Was jy al ooit kwaad oor iets en dan as jy terugkyk na die situasie, dink jy by jouself: "Hoekom het ek so ontsteld geraak daaroor?"

Geeste is dol daaroor om die lewe moeilik te maak deur op te staan in situasies, te werk, te onttrek en dan die individu te los om te deel met die gevolge.

Baie jare gelede, voor Yeshua my van die gees van woede verlos het, het Hy twee dinge aan my getoon; eerstens dat iets 'wat vir my vreemd is' met my sou gebeur en tweedens, dat ek na Hom sou moes uitroep vir hulp. **"Elohim, help my,"** was die woorde.

Yeshua het 'n droom gegee aan 'n lid van ons gebedsgroep en ek was deur die groep aangestel om die interpretasie te kry. Tydens die volgende week het Yeshua vir my die interpretasie gegee. Ek het na die volgende byeenkoms gegaan om dit oor te dra. Ek het die interpretasie gelewer en soos ek klaargemaak het, het ek iets baie eienaardig opgemerk. **Die laaste twee of drie woorde wat ek gepraat het, het voorgekom asof dit nie my woorde was nie.** Dit was asof ek die woorde vir 'n oomblik gesien het voor dit my mond verlaat het! Na ek huis toe is het ek gewonder oor hierdie eienaardige gebeurtenis.

Ek het die volgende oggend wakker geword en geweet iets was baie verkeerd as gevolg van wat Hy die vorige nag vir my gewys het. Ek het uitgeroep, "O Elohim, help my." Daardie oggend het Yeshua vir my gesê: **"Jy het 'n diep saad van woede teenoor die liggaam van die Messias. Dit is 'n gees."** Ek het toe besef dat ek die interpretasie in woede gegee het. Daardie woorde wat nie soos mynge gelyk het nie, was gegee deur die gees van woede. Ek het die korrekte interpretasie gegee, maar het dit in of deur woede gegee, nie in liefde nie. Jy sien, die interpretasie van die boodskap was 'n teregwysing.

Toe het Yeshua aan my openbaar hoe die deur na die gees van woede opgemaak word. Die saad van die woede, teen Christene, het begin toe ek uitgevind het dat die mense aan wie ek my gesin toevertrou het, wat die redding van hulle siele betref, nie geweet het wat hulle doen nie.

Elohim het aan my openbaar dat my vrou nie gered was nie en dat dit was as gevolg van kerktradisies en leringe. **Ek was kwaad** en dit was geregtig. **Ons het gepraat van my gesin se plek in die ewigheid!**

Toe groei hierdie saad, omdat Christene my aanhou teleurstel het. Ek het Christene dinge sien doen wat hulle nie moes nie, terwyl hulle van beter geweet het. Ek het gewonder: "Hoekom doen hulle dit?" Jy sien, **my verwagtings van Christene was te hoog. Is joune?** Is jy teleurgestel deur Christene? Het jy negatiewe gevoelens teenoor Christene? Het jy 'n diep saad van woede teenoor 'n vriend, of dalk 'n familielid wie se dade nie by 'n Christen gepas het nie? Yeshua het vir my gesê dat die liggaam van die Messias vol van hierdie spesifieke diep sade van woede is.

Yeshua het my daardie selfde oggend van die gees van woede bevry. Ek het besluit om die mense wat by die byeenkoms was te skakel en om verskoning te vra dat ek hulle aangeval het. Toe het Yeshua vir my iets skokkend gegee. Hy het my beveel om dit nie te doen nie. Hy het gesê, "**Dit was 'n gees wat hulle aangeval het, nie jy nie. Jy mag hulle nie om verskoning vra nie.**" Ek het gedink, "Dis vreeslik. Hoe is ek veronderstel om hierdie te hanteer?" Ek het eindelik net vir hulle die waarheid vertel. **Glorie, wat 'n verligting! Die waarheid maak jou regtig vry!** Hulle het geen moeite gehad om dit te aanvaar nie, omdat hulle meer geweet het van geeste as wat ek het.

Wat het gebeur? Yeshua het vir my die interpretasie vir die droom gegee, maar ek het die korrekte interpretasie gegee deur die gees van woede. **Dit is 'n waarheid** wat ek hier onthul: **geeste tree op as filters** vir beide **inkomende en uitgaande** boodskappe. Hulle doen dit sonder dat jy dit werklik beseef. Ek was totaal onbewus dat ek die boodskap in woede gee!

As jy 'n gees het wat jou affekteer, verstaan dat dit kan filtreer wat van ander mense af inkom. Jy kry die verkeerde indruk van wat iemand sê, volgens die spesifieke gees wat jou affekteer. Geeste doen dit deur vir jou gedagtes te gee, deur die stemtoon wat jy hoor te verdraai en deur vir jou gevoelens te gee. Hulle filter (blok en verander) heeltemal wat werklik gesê was, of wat werklik gebeur het!

Toe Yeshua gesê het ek moes nie vir daardie mense om verskoning vra nie, **het ek 'n fundamentele waarheid geleer**. Een wat werklik help in die veld van vergifnis. **Wanneer jy verstaan dat dit 'n gees is wat opereer en nie die persoon nie, elimineer dit in vele situasies die vereiste van vergifnis**. Dit is omdat daar skielik niks is om te vergewe nie, sover dit die persoon aangaan. **Die persoon het dit nie gedoen nie!** Yeshua het gesê:

Lukas 11:35,36 *Pas dan op dat die lig in jou nie duisternis is nie. As jou hele liggaam dan verlig is en nie enige deel het wat donker is nie, sal dit heeltemal verlig wees, net soos wanneer die lamp met sy skynsel jou verlig.*

Let hier op dat Yeshua gesê het ons kan lig in ons hê (in ons liggame) en steeds 'n deel hê wat donker is: ...**“jou hele liggaam dan verlig is en nie enige deel het wat donker is nie”**... Hy sou nie gesê het *“en nie enige deel het wat donker is nie”*, as dit nie moontlik was om duisternis saam met die lig te hê nie.

Ja, ons as Christene kan geeste hê wat in ons opereer (in ons vlees) en sels ons lewens beheer. As die woede in jou opstaan en probleme met ander veroorsaak, **het dit jou lewe verander**, sowel as die weg waarop jy was. **Die gees het die weg verander, nie jy nie!** Woede het mense al **in die tronk laat beland en ander hul werk gekos**. Is dit nie beheer van jou lewe neem nie? Ek weet sommige sal vasklou aan die woorde “beïnvloed jou lewe”.

Maar ek spreek as iemand wat bevry is, hierdie dinge wat op daardie stadium aan my onbekend was, het my lewensroeping beheer.

(Laat ek hier sê, een van die belangrikste woorde wat ooit vir my gegee was, was deur die gees van woede gegee. Ek het die gees gesien, maar het geweet die woord was van Elohim. Ek het geweet dieselfde ding wat met hierdie persoon gebeur het, het met my gebeur!)

As jy 'n diep saad van woede het, is dit daar vir een van twee redes. Dit is daar omdat dit oorgedra is van 'n vorige geslag, of dit is daar as gevolg van iets wat met jou gebeur het. **Ek het 'n geldige rede gehad om kwaad te wees, maar dit was nie die punt nie – DIT MAAK GEEN VERSKIL NIE**. As jy 'n geldige rede het om kwaad te wees, maak dit nie 'n verskil nie. Wat saak maak is die feit **dat jy woede in jou het en dat dit 'n gees is**. Dit beïnvloed en verander jou lewe, of jy dit glo of nie!

Is jou woede onbewustelik teenoor Elohim omdat jy geglo het vir iets wat nie gebeur het nie? Ongeag watter woede dit is, **Yeshua wil jou bevry!**

My Bevryding van die Gees van Vrees

Dit was deur meer as een persoon aan my voorgestel dat ek 'n gees van vrees kon gehad het. Dus is daar uiteindelik vir my gebid, deur 'n groep wat ek groep A sal noem. Dit was uitgedryf in die naam van Yeshua. **Maar niks het gebeur nie!** Vergelyk dit met hierdie Bybelse verwysing:

Markus 9:16-18 Daarop vra Hy die skrifgeleerdes: **Waarom redetwis julle met hulle?** En een uit die skare antwoord en sê: Meester, ek het my seun wat 'n stomme gees het, na U gebring; en waar hy hom ook aangryp, skeur hy hom; en hy kry skuim in die mond, en hy kners met sy tande en word styf; en ek het u dissipels gevra om hom uit te dryf, en hulle kon nie.

(Die dissipels het die gees uitbeveel en dit het nie gewerk nie.) Toe praat Yeshua met hulle wat daar was en sê hulle is kleingelowig en dat hulle die seun na hom moes bring.

Markus 9:19 Toe antwoord Hy hom en sê: *O Ongelowige geslag, hoe lank sal Ek by julle wees, hoe lank sal Ek julle verdra? Bring hom na My toe.* 20 En hulle bring hom na Hom toe; en toe hy Hom sien, laat die gees hom dadelik stuiptrekkings kry, en hy val op die grond neer en rol rond met skuim in die mond.

Toe die seun in die teenwoordigheid van Yeshua gekom het, het die gees in die seun opgestaan om hom nog 'n keer te beheer. Toe praat Yeshua met die seun se pa.

Mark 9:21-22 Daarop vra Hy sy vader: *Hoe lank is dit al dat dit hom oorgekom het?* En hy sê: *Van sy kindsdae af; en dikwels het hy hom selfs in die vuur en in die water gegooi om hom dood te maak. Maar as U iets kan doen, ontfem U oor ons en help ons.*

Duidelik was die gees vir 'n lang tyd in die seun gewees. Ons moet verstaan dat die tyd wat 'n gees 'n persoon beheer of teister relevant is teenoor wat moet plaasvind om daarvan ontslae te raak. Hoe langer 'n gees teenwoordig is, hetsy in of op die persoon, hoe dieper is dit ingegrawe of geheg. Dus is daar meer te verstaan as net watter tipe gees dit is. Dan sien ons die pa van die seun om hulp vra en hier is Yeshua se antwoord.

Markus 9:23-24 En Yeshua sê vir hom: *Wat dit betref—as jy kan glo, alle dinge is moontlik vir die een wat glo.* En dadelik roep die vader van die kind met trane uit en sê: *Ek glo, Here, kom my ongeloof te hulp!*

Eerlikheid teenoor Elohim is altyd die beste uitweg. Die pa wat in trane vir Yeshua om hulp vra, herinner my so baie aan my uiters opregte: “O Elohim, help my”, toe ek verlos moes word van woede.

Markus 9:25-26 En toe Yeshua sien dat 'n skare bymekaar stroom, het Hy die onreine gees bestraf en vir hom gesê: *Jou stom en dowe gees, Ek gebied jou, gaan uit hom uit en kom nooit weer in hom nie.* En nadat hy geskreeu en hom baie stuiptrekkings laat kry het, het hy uitgegaan. En die seun het soos 'n dooie geword, sodat baie gesê het: *Hy is dood.*

Let op dat Yeshua vir die gees gesê het “en kom nooit weer in hom nie.” Hierdie spesifieke gees was ‘in’ die persoon, nie ‘op’ die persoon nie. Daar is 'n reuse verskil.

Wat Yeshua gesê het openbaar ook dat jy hierdie tipe gees kan beveel om nie terug te keer nie. Hieruit kan ons leer dat 'n gees die vermoë het om die siel en vlees van 'n persoon intensief te beheer. Hierdie man se seun het so leweloos gelyk na die gees weg is, dat baie gesê het hy is dood.

Markus 9:27-29 *Maar Yeshua het hom by die hand gegryp en hom opgerig; en hy het opgestaan. En toe Hy in die huis kom, vra sy dissipels Hom afsonderlik: Waarom kon ons hom nie uitdrywe nie? En Hy sê vir hulle: Hierdie geslag kan deur niks anders uitgaan as deur gebed en vas nie.*

Yeshua het gesê die rede hoekom hulle hierdie tipe gees nie kon uitdryf nie was omdat “Hierdie geslag kan deur niks anders uitgaan (come forth – KJV) as deur gebed en vas nie.” Die King James (*Open Bible* weergawe, met studienotas) toon ook dat “come forth” vertaal kan word met “be driven out”.

“Hierdie geslag (soort) kan deur niks anders uitgedryf word (geen ander manier) as deur gebed en vas nie”.

Met ander woorde, Yeshua het vir die dissipels gesê dat hierdie spesifieke tipe gees deur gebed en vas uitgedryf moes word. Deur net daarmee te praat “in die Naam van Yeshua” sal dit nie laat gebeur nie! Dit help die intensiteit verduidelik wat ons in sommige gevalle moet hê om die Koninkryk van Elohim met geweld te neem!

In Mattheus se weergawe sien ons dat Yeshua ook gepraat het, in antwoord aan die dissipels, oor om die geloof van 'n mosterdsaad te hê, ens.

Mattheus 17:19-20 *Toe kom die dissipels na Yeshua afsonderlik en sê: Waarom kon ons hom nie uitdryf nie? En Yeshua antwoord hulle: Deur julle ongeloof; want, voorwaar Ek sê vir julle, as julle geloof het soos 'n mosterdsaad sal julle vir hierdie berg sê: Gaan weg hiervandaan daartoe! en hy sal weggaan, en niks sal vir julle onmoontlik wees nie.*

Uit my ervaring glo ek dat die dissipels se gebrek aan geloof die rede was waarom hulle nie verder kon werk met die gees nie.

Matthew 17:21 *Hierdie geslag kan deur niks anders uitgaan as deur gebed en vas nie.*

Yeshua het so pas met hulle gepraat oor hulle gebrek aan geloof. Dan sê hy ook dat hierdie soort “deur niks anders uitgaan” as deur gebed en vas nie. (“en vas” word nie in alle vertalings ingesluit nie.) Dit is duidelik dat Hy gesê het, “Hierdie is die enigste manier hoe daardie soort sal uitgaan.” Yeshua het hulle sopas meer inligting gegee oor hierdie soort gees. Dit verg hierdie kennis, hierdie begrip, saam met geloof!

Die Griekse woord vir “**deur niks anders uitgaan**” is dieselfde woord wat vertaal word “**can come forth**” en “**be driven out**” in die boek van Markus (KJV). Dus kan ons dieselfde prentjie kry wat in Markus gegee word.

Hierdie geslag (tipe) (moet uitgedryf word) deur gebed (en vas?).

Jy mag dalk vra hoekom Yeshua net gepraat het en dit het gebeur? Een rede is dat Yeshua die volheid van **al** die gawes van die Gees gehad het. Ons het nie individueel al die gawes nie, maar ons het dit wel korporatief. Dit is waarom dit so belangrik is om die liggaam van die Messias te herken. **Om die liggaam van die Messias te herken beteken dat ons ook die gawes moet herken wat deur Elohim aan elke persoon gegee is.** Dit werp lig op waarom Paulus gesê het dat sommige Christene siek is en sterf omdat hulle nie “die liggaam van die Messias” herken nie. In my geval het dit spanwerk geverg om my van die gees van vrees te bevry!

Hoe ookal, Yeshua het hier vir sy dissipels gesê **as hulle sukses wil behaal**, moet druk op die gees toegepas word deur gebed (en vas?)!

Ek het vir jou die skriftuurlike bewyse gegee hoe Yeshua getoon het dat op sommige geeste ‘**druk toegepas**’ moet word en dat hulle **nie sal uitgaan** deur bloot in geloof met hulle te praat nie. Die getuienis van my bevrysaak van die Gees van vrees bevestig hierdie feit. Die gees van vrees was baie diep gesetel in my en was waarskynlik daar van geboorte af (bloedlyn vloek). **Dit het 'n sterk houvas ('n vesting!) op my gehad.**

Dit was meer as 'n jaar na vrees uit my uitgedryf is deur groep A, sonder resultate, dat die volgende gebeure plaasgevind het. Inderwaarheid het ek 'n ander kerk besoek! Eerstens, tydens 'n gebedsbyeenkoms (groep B) is 'n persoon deur die Heilige Gees beveel om my 'n rughand hou in die bokant van my maag te slaan en te sê: “Kom uit, in die naam van Yeshua.” Geen naam is genoem nie en niemand het geweet wat dit was nie.

Toe, drie maande later was ek in 'n gebedsbyeenkoms saam met hierdie selfde mense en ek het siek geword met simptome wat ek omtrent twee weke tevore gehad het. Ek was by 'n dokter gewees en was gediagnoseer met hepatitis, die onaansteeklike tipe. Tydens hierdie gebedsbyeenkoms het ek 'n geweldige pyn in die bokant van my maag gehad, soveel so dat ek in die middel moes buig om dit enigsens te help verlig. As ek dit kon bekostig, sou ek waarskynlik oorweeg het om hulle te vra om 'n ambulans te laat kom. Ek het besluit om diegene om my te vertrou, aangesien hulle blykbaar geweet het wat aangaan. **(Hulle was verbaas dat dit drie maande geneem het.)**

(Ek deel die volgende in detail, nie om jou skrik te maak nie, net om jou te laat verstaan hoe werklik hierdie is. Ek sal dit weer deurmaak om ontslae te raak van daardie verfoeilike ding wat 'n houvas op my gehad het.)

Terwyl hulle vir my gebid het, is daar vir hulle gesê dat dit die gees van vrees was. Een dame het haar hand net onderkant my borsbeen geplaas en begin boontoe druk. Dit was waar ek geslaan was, met die woorde “Kom uit” ens. Ek het verbasend iets voel beweeg binne-in my. Ek het gedink, “My Elohim, hierdie is ‘n werklikheid!” Soos sy dit boontoe gedruk het, het ek dit meer en meer voel beweeg en toe begin ek beseft dat dit tentakels regdeur my vlees (liggaam) gehad het, soos ‘n seekat, met die kop waar sy besig was om te druk. Ek kon voel hoe die tentakels my vleis skeur soos hierdie ding in my bors op beweeg het. (Ek wil dit baie duidelik maak dat die gees nie beweeg het tensy sy dit met haar hande opbeweeg het nie. Sy het presies geweet waar die gees was soos dit boontoe beweeg het.) Hulle het aangehou met ‘n **oorlogstipe gebed in die Gees en om die naam van Yeshua te gebruik! Dit was die stem van Yeshua wat besig was om my te verlos.** Die gees was besig om my vlees te skeur en ek het uit my mond begin bloei. Toe die groep beseft ek bloei, het hulle dit beveel om my op te hou skeur en dit het.

My pastoor het agterna vir my gesê dat ek vir drie dae swak en sieklik sou wees. Hy was reg. Ek het meeste van die tyd gerus en na Christelike musiek geluister. Die wonder daarvan was dat ek die volgende oggend gevoel het asof ek in ‘n nuwe wêreld ontwaak. Dit het nie dieselfde gelyk of gevoel nie, maar dit was dieselfde. Ek het eindelijk beseft dat ek die een was wat anders was, nie die wêreld nie. Ek het definitief helderder gesien, ter vervulling van wat Yeshua gesê het.

Mattheus 7:4 *Of hoe sal jy vir jou broeder sê: Laat my toe om die splinter uit jou oog uit te haal, en kyk, in jou eie oog is die balk! 5) Geveinsde, haal eers die balk uit jou oog uit, en dan sal jy goed sien om die splinter uit die oog van jou broeder uit te haal.*

Ek het gevind dat in elke geval waar ek van ‘n gees bevry is, het dit my gelaat met ‘n duideliker beeld van wat daardie spesifieke gees produseer. Daardie “aura” wat rondom ons is, deur ‘n gees geproduseer, verblind ons beslis dat ons nie eers in onself sy werke kan sien nie, totdat ons daarvan bevry is.

Ek moes eintlik alles neergeskryf het wat ek beseft het weg was uit my gedagtes die volgende oggend. Die gedagtepatroon wat ek die beste onthou wat weg was, was die gedagtepatroon met “Wat as”. “Wat as dit” en “Wat as dat” kan maklik uitgeken word as uit die gees van vrees. Ek onthou dat ek (voor die bevryding) voor mense gestaan het en dan sou die gees van vrees so erg opstaan dat dit my verhoed het om oor te dra wat ek moes sê. Ek het altyd gedink dat dit maar “net ek” was! Wel, dit was nie, dit was die gees van VREES!

Om ‘n bietjie meer te verstaan rondom die onbekende vermoë van geeste, deel ek iets oor ‘n persoon aan wie gesê is dat hy vrees in hom het. Hierdie persoon het dit ontken; die meeste mense doen.

Jy moet verstaan dat die gees sy eie teenwoordigheid kan ontken. Die patroon van ontkenning is direk verwant aan die tipe gees. In elke geval, ek het die boek “Evil Spirits . . . Yuck” aan hierdie individu gegee om te lees, omdat hy baie aktief was in geestelike oorlogvoering. Hy het dit gelees, maar nooit enige kommentaar daaroor gelewer teenoor my nie. Tyd het verloop en hierdie individu was by ‘n byeenkoms waar die gees van vrees uit hom gedryf is. Na daardie ervaring het hy vir my ‘n getuienis gegee dat dit weg is en hoe anders hy gevoel het. Hy het geweet dit was weg en kon nou by terugskouing die gees se vorige aktiwiteit in sy lewe sien!

In die daaropvolgende gesprekke het hierdie persoon onthul dat hy my boek “Evil Spirits . . . Yuck” herlees het en nou opgewonde was oor wat dit gesê het. Hy het nou vir my gesê wat ‘n goeie boek dit was. Dit toon wat ‘n gees kan doen om ‘n balk in ons oë te skep. Hierdie individu kon nou duidelik sien wat die boek sê, die gees het hom vantevore verblind.

Ons kan ‘n gees aan sy vrugte herken, maar in alle eerlikheid kon ek slegs vrees se vrugte herken in die beperkte uitsig en kennis van vrees wat ek gehad het voor ek daarvan bevry is. Ek het suksesvol aan geestelike oorlogvoering deelgeneem. Maar nou sien ek die vrugte van die gees van vrees baie duideliker omdat die balk wat deur daardie spesifieke gees geskep was, uit my oë verwyder is. **Ek het tevore ten dele gesien!**

Ek het hierdie ervaring met jou gedeel in die hoop dat dit jou sal help om die feit te herken dat **in sommige gevalle vereis dit ‘druk’ om ‘n gees te verwyder**. Dalk het jy ‘n paar ander brokkies opgetel om by jou kennis te voeg van geestelike oorlogvoering. Die gebrek aan kennis en begrip was die rede waarom groep A die taak nie kon verrig nie.

Ter afsluiting, laat ek dit baie duidelik maak, **geen vas was betrokke by my bevryding nie. Dit was Yeshua wat my bevry het van die gees van vrees deur Sy Gees, Sy Naam en ‘n paar gehoorsame mense!**

Pyn in Verlossing? (Gebrek Aan Begrip Kan Bevryding In die Wiele Ry!)

Ons behoort nie dinge op te krop nie! Die Vleis!

Eerstens, laat ek sê dat ek bevryding beleef het waar daar geen fisiese pyn betrokke was nie. Maar mense het al vir my gevra oor pyn, depressie, drukking, bedruktheid, ens., wat manifesteer tydens die bevrydingsproses. Ja, jy kan hierdie dinge beleef en sommige daarvan dui op die tipe gees waarmee jy deel en hoe diep dit gewortel is. Aangesien ons baie e-pos boodskappe oor hierdie onderwerp ontvang het, gaan ek ‘n paar algemene dinge meedeel waaroor ek reeds op die webwerf gepraat het, voordat ek in diepte bespreek wat ek vind baie Christene nie begryp nie.

In die artikel waar ek gedeel het rondom my bevrysaak van die Gees van vrees het ek getuig van die geweldige pyn wat ek beleef het. Dit was in my lewer area en iemand het vir my gesê dat 'n gees 'n orgaan kan beskadig en dit in minder as normale kondisie laat na dit uitgegaan het. Ek sou sê dit is waar, maar Yeshua het dit nog nooit persoonlik aan my bevestig nie. Ek het ook rapporteer dat ek uit my mond begin bloei het tydens daardie bevryding. Diegene wat by my was het dit beveel om my op te hou skeur en ek het ophou bloei. Dus is daar dinge wat ons kan doen om hierdie tipe situasies te beheer tydens 'n bevryding.

Ons behoort nie dinge in 'n kassie te sit nie!

Ek dink die beste manier om hierdie onderwerp te benader is om te sê: "Ons kan nie net dinge in 'n kassie sit en sê dis hoe dit is nie." Ja, daar kan pyn wees, maar daar kan bevryding wees sonder pyn en om pyn te hê is nie altyd van 'n gees wat manifesteer nie. Ek ken 'n dame wat die gees van hoerery gehad het en dit het sewe jaar geneem vir haar om heeltemal daarvan bevry te word. Sy getuig dat sy geweldige pyn in haar lae rug gehad het as gevolg van hierdie gees. Beteken dit dat dit altyd sewe jaar duur om van die gees van hoerery bevry te word? Die antwoord is nee.

Yeshua is die bevryder en die belangrike ding is om die Heilige Gees na die beste van ons vermoë te volg. In sommige gevalle kan daardie einste gees wat uitgedryf word die persoon se vermoë affekteer om die Heilige Gees te volg. Soms gebruik Yeshua mense en soms doen Hy nie. Ek hou daarvan wanneer Hy dit net doen. Omdat ons dinge nie in 'n kassie kan sit nie, moet ons alle moontlikhede leer van wat dalk aangaan en "bewus" wees. Gebrek aan begrip ten opsigte van geeste en hoe hulle kan opereer kan 'n bevryding vertraag of stuit. Dis hartseer, maar ons hier by Take His Heart kan baie helder getuig dat dit gebeur.

Die Vleis!

Ek het opgemerk dat Christene nie werklik besef hoeveel intelligensie geeste hulle het en hoeveel hulle hul optrede kan beheer nie. Ons kan die intelligensie van geeste in die volgende skrifgedeelte sien.

Mattheus 8:28-32 *En toe Hy aan die oorkant kom, in die land van die Gergeseners, het twee duivelbesetenes Hom ontmoet, wat uit die grafte uitgekom het en baie kwaai was, sodat niemand met daardie pad kon verbygaan nie. En meteens skreeu hulle en sê: Wat het ons met U te doen, Yeshua, Seun van Elohim? Het U hier gekom om ons voor die tyd te pynig? En ver van hulle af het 'n groot trop varke gewei. En die duiwels het Hom gesmeek en gesê: As U ons uitdrijf, laat ons toe om in die trop varke te vaar. En Hy sê vir hulle: **Gaan!***

Hierdie geeste het Yeshua geken, sowel as Sy krag en die Woord van Elohim. Hulle kon redeneer en vir hulleself besluite neem! Hierdie skrifgedeelte openbaar ook dat hulle hul eie wil het. Ek het vroeg in my skrywe rondom geeste rapporteer dat hulle kan terugtrek en 'n persoon laat dink dat hulle weg is. Vir hulle om dit te kan doen, dui aan dat hulle intelligensie en 'n wil het. Satan is 'n misleier en geeste kan mislei. Of hulle dit van Satan geleer het of nie maak geen verskil nie. Die gees van vrees kan jou mislei al is dit 'n gees van vrees. Geeste is heel eerste teen wat ookal Elohim doen en ander dinge tweede. Hulle ken die verskil. Kom ek gee vir jou 'n voorbeeld!

Ek was saam met 'n man wat 'n godsdienstige gees het. Hy het vir my gesê dat hy nagmerries gekry het, die folterende tipe, wat bevestig het dat daar 'n probleem was. Ek het as gevolg van die tipe gees wat dit was geweet dat ek hom nie net kon bevlieg met "Jy het 'n godsdienstige gees" nie. Daar is tye wanneer dit suksesvol gedoen kan word, maar nie wanneer die godsdienstige gees funksioneer nie. As gevolg van die nagtelike foltering het ek gedink aan 'n boek wat hom kon help besef dat hy bevryding nodig het. Om die leuen te breek dat 'n Christen nie deur 'n gees beheer kan word nie kan baie moeilik wees. In elk geval, ek het vir hom gesê om die boek te kry. 'n Ruk later het ek hom gevra of die hy die boek gekry het. Hy het gesê "Nee" en my toe begin vertel wat gebeur het. Hy het na die boekwinkel gegaan en die boek gekry, maar dit nie gekoop nie. Hy het gesê dat hy bang geword het om dit te koop en gedink "Wat as ek betrokke raak by iets wat ek nie moet nie!" Hy het gesê toe hy die boek teruggesit het, het vrede oor hom gekom en hy het geweet dat dit die "vrede van Elohim" was. Hy het regtig gevoel dat Elohim hom gelei het om die boek te koop wat hy gekoop het.

Soos ek gesê het, die gees van vrees kan mislei en in hierdie situasie het die gees van vrees opgestaan, uit eie wil, om te probeer om hierdie man te verhoed om kennis te verkry wat kan lei daartoe dat die gees uit hom uitgedryf word. Dit het vreesagtige gedagtes geplant wat deur die man aanvaar is. Hier het die man 'n keuse gemaak, volgens die vrees wat hy gevoel het, sowel as die gedagtes wat op die regte oomblik deur die gees van vrees in sy gedagtes gegee was. Toe daardie keuse gemaak is, het die gees van vrees onttrek, of ophou manifesteer, wat hierdie valse vrede geskep het en wat die man gedink het die vrede van Elohim was.

Enige gees kan op hierdie wyse mislei; hoewel hulle dit nie altyd doen nie. Soos ek gesê het, hulle het intelligensie en kan op baie verskillende wyses mislei. Elohim het een keer vir my 'n naggestig gegee wat openbaar het dat geeste kan dink en dat hulle gedurig besig is om inligting op te gaar oor ons lewens. Hulle weet hoe 'n persoon dink en omdat hulle intelligent is, tree hulle daarvolgens op.

Nog iets wat ek wil uitwys is openbaar in my bevryding van vrees. Die gees van vrees was vantevore uit my gedryf, sonder resultate. Hierdie laaste keer het

die Heilige Gees 'n persoon gelei om net te sê: “Kom uit in die Naam van Yeshua!” Tyd het verloop tot 'n spesifieke gebedsbyeenkoms waartydens ek baie siek geword het. Die pyn was genoeg dat ek 'n wilsbesluit moes neem om aan te hou. Ek was gereed om hospitaal toe te gaan; ek was in pyn en het op die vloer gelê. As ek nie aangehou het nie, sou ek hospitaal toe gegaan het en die bevryding sou gestop gewees het. 'n Gees sal enigiets doen om bevryding te stop, insluitend pyn, gedagtes wat weglei van die bevryding en om terug te trek om te mislei. Nie dat dit altyd die geval is nie, maar 'n gees kan pyn manifesteer wanneer dit die gevaar loop om uitgedryf te word – enigiets om aandag af te lei.

Nog 'n ding oor geeste is dat hulle omgekrap of geïrriteerd kan raak en kan manifesteer wanneer hulle uitgedryf kan word, of tydens die uitdrying. My pa het die byeenkomste hier bygewoon en een dag het hy my vertel hoe hy elke keer tydens die musiek naar word. Ek het vir hom gesê hy moes ons vertel het, aangesien hy waarskynlik bevryding nodig gehad het. Ek het dit geweet omdat ons 'n woord ontvang het wat gesê het die musiek wat Elohim hier gevestig het sou mense genees en bevry. (Ons het 'n paar bevestigings hiervan gehad.) Die punt is dat my pa kon opstaan en uitloop en nie meer naar wees nie. Dit skets 'n prent dat 'n gees omgekrap kan raak en pyn of 'n siek gevoel kan veroorsaak wanneer dit gevaar loop om uitgedryf te word, maar wanneer daardie gevaar verwyder is, vervaag die simptome om 'n valse vrede te produseer. Nog iets rondom hierdie insident is dat Pa gedink het daar was iets fout met die musiek. Daardie gedagtes was gegee om hom uit die “gevaar” van bevryding te kry. Geeste sal dit doen met enige gedagtes wat aanvaarbaar is vir die persoon wat deur hulle geaffekteer word.

Nou moet ons ook verstaan dat as 'n gees diep in ons vlees gewortel is, soos die gees van vrees in my was, sal daar pyn wees wanneer dit losgemaak of uitgedryf word. Dit kan oor 'n verloop van tyd geskied. Dit is wonderlik wanneer Elohim 'n voorbidder het as daar moeite tydens 'n bevryding is. Daardie persoon kan deel van die effek van die bevryding oorneem sodat dit nie so swaar is op die persoon wat bevry word nie. Sien *“Extremes of Spiritual Warfare”*.

Ek moet weer sê dat ons geen van hierdie inligting in 'n kassie moet sit nie, maar dat ons “bewus” moet wees van hierdie moontlikhede en meer, terwyl ons luister na Yeshua vir enige inligting wat ons moet hê. Hy is die bevryder.

Sien boek 2

Python

“Hierdie Gees Heers in My Kerk!”



Sien die *I Saw the White Horse of Rev. 19* DVD

Kry jou GRATIS DVD video

“Demonstration of Elohim’s Covenant”

at

[www. takehisheart.com](http://www.takehisheart.com)

